

**Uunga siunnersuut: Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allanngortinneqarneranik Inatsisartut inatsisaat nr. xx, xx.xxx 2017-imeersoq**

(Aktiaatillit taarsigassarsiaasa akileraaruserneqartalernissaat, atornerluisoqarsinnaanera akiorniarlugu maleruagassaq, sulisorisanik atukkiussinermi akileraarutininik unerartitsisussaataaneq il.il.)

*(Aningaasaqarnermut Akileraartarnermullu Naalakkersuisoq)*

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappasaaneerpeqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq  
Inatsisartunut ilaasortaq Randi V. Evaldsen, Demokraatit, siulittaasup tullia  
Inatsisartunut ilaasortaq Peter Olsen, Inuit Ataqatigiit  
Inatsisartunut ilaasortaq Bendt Kristiansen, Inuit Ataqatigiit  
Inatsisartunut ilaasortaq Martha Lund Olsen, Siumut  
Inatsisartunut ilaasortaq Ineqi Kielsen, Siumut  
Inatsisartunut ilaasortaq Kelly Berthelsen, Inuit Ataqatigiit

Ulloq 26. april 2017-imi siullermeerinninnerup kingorna ataatsimiititaliap siunnersuut misissorpaa.

**1. Siunnersuutip imarisaa siunertaalu**

Inatsisissatut siunnersuut aningaasarsianit akileraarutininut inatsimmut allannguutininik naleqqus-saanernillu arlalinnik imaqarpoq. Siunnersuummi immikkoortut pingaernerit siunnersuummut nalinginnaasumik nassuiaatini takussutissiarineqarlutillu oqaaseqarfigineqarput.

Pingaartumik inuussutissarsiutinik akileraarusiisarneq aamma maleruagassaareersunik unioq-qutitsiniartoqarnissaa pinngitsoortinniarlugu maleruagassat eqqarsaatigalugit inatsisissatut siunnersuut aningaasarsianit akileraarutit pillugit inatsisip ingerlaavartumik naleqqussarlugulu nutarterneqarnerata ilagigaa siunnersuuteqartup paasissutissiissutigaa. Ataatsimiittarnissani aggersuni inatsisissatut siunnersuutininik, nunatsinni inuussutissarsiutinik ingerlataqartunut atugassarititaasunik pitsaanerusunik tunngavissiuussinissamik siunertaqartuninik siunnersuutip malitseqartinneqarnissaa naatsorsuutigineqartoq siunnersuuteqartup paasissutissiissutigaa.

Tassunga atatillugu 2017-imi Aningaasaqarnikkut Ingerlatsineq pillugu Nalunaarut siunnersuuteqartup innersuussutigaa.

## **2. Siunnersuutip Inatsisartunit siullermeerneqarnera**

Siunnersuut siullermeerneqarami akuersaarneqarluarpoq. Siunnersuut imarisaalu assigiinngitsut nalinginnaasumik taparserneqarput. Aningaasaqarnermut Akileraartarnermullu Ataatsimiititaliap siunnersuummik suliarinninnermini § 76, imm. 2 immikkut sammissagaa kissaatigineqartoq oqaatigineqarpoq.

## **3. Tusarniaanermut akissutit**

Inatsisissatut siunnersuutip danskisuaa ulloq 13. januar 2017-imi KANUKOKA-mut, Kommuneqarfik Sermersuumut aamma Sulisitsisunut allanullu oqaaseqarfigisassanngorlugu nassiunneqarpoq.

Ulloq 15. februar tusarniaanermut akissuteqarfissatut piffissaliullugu siunnersuut tusarniaasutigalugu ulloq 30. januar 2017-imi nassiunneqarpoq. Kommunilli KANUKOKA-lu tusarniaanermut akissuteqarnissaminnut ulloq 7. marts tikillugu sivitsuiffigineqarput.

Tusarniaanermi akissutigineqarumaarsinnaasut, inatsisissatut siunnersuutip Inatsisartunut tunniunneqareernerani tiguneqartut pisariaqarnerat naapertorlugu iluarsisuteqarnikkut ilanngunneqarumaarput.

Siunnersuut piffissami 31. januaarimiit – 15. februaarip tungaanut tusarniaavimmiippoq. Siunnersuut susasaqartunut makkununga nassiunneqarpoq:

SIK, Sulisitsisut (GE), Deloitte, Grønlands Revisionskontor, BDO, NUSUKA, KANUKOKA, Kommuneqarfik Sermersooq, Naalakkersuisut Siulittaasuata Naalakkersuisoqarfia, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, GrønlandsBANKEN aamma BankNordik.

Tusarniaanermi akissuteqarput KANUKOKA, Deloitte, Sulisitsisut, Aatsitassanut Ikumattissanullu Naalakkersuisoqarfik aamma Nunatsinni Advokatit.

Inatsisissat suliarineqarnerannut atatillugu tusarniaanermut pisariaqartumik piffissaaliisarnisaq Aningaasaqarnermut Akileraartarnermullu Ataatsimiititaliap Naalakkersuisunut kaammattuutigissavaa. Ataatsimiititaliamilli maluginiarneqarpoq kommuninut KANUKOKA-mullu tusarniaanermut akissuteqarnissamut piffissaliunneqartoq sivitsuiffigineqarsimasoq.

## **4. Ataatsimiititaliap siunnersuummik suliarinninnera**

Erseqqissaanerit, naleqqussaanerit aammalu Kalaallit Nunaanni sulinermit akissarsianik tunniussinermit unerartitsisussaaneq aammalu naalagaaffiup avataanut suliertortinneqartut Kalaallit Nunaannut akileraartussaataitanerat pillugit aalajangersakkat siunnersuummi matumani

ilanngunneqartut Aningaasaqarnermut Akileraartarnermullu Ataatsimiititaliamit iluarisimaarneqarput. Aamma taamaappoq aktiaatillit inatsisit unioqqutillugit taarsigassarsiaasa akileraruserneqartalernissaat aammalu atornerluisoqarsinnaanera akiorniarlugu maleruagassamik atuutsitsilerneq eqqarsaatigalugit.

Siunnersuummili immikkoortut ilaat siullermeerinninnermi immikkut sammineqartussatut kissaatigineqartut ataatsimiititaliamit oqaaseqarfigineqassapput. Tamatumani immikkut pineqarpoq § 76, imm. 4-mi aalajangersagaq. Tassunga atatillugu najukkami suliffeqarfiit amerlasuut aalajangersakkamit tamatuminnnga eqqorneqarnissaat siullermeerinninnermi tusarniaanermut akissutit innersuussutigalugit isumakuluutigineqartoq oqaatigineqarpoq.

Aalajangersakkakut taaneqartukkut aalajangersarneqarpoq sulisunik nunanit allaneersunik atukkinneqarnermi kikkut unerartitsisussaataitaneersut. Sulisunik atukkiussisoq Kalaallit Nunaanni angerlarsimaffeqanngippat aalajangersimasumilluunniit ingerlatsiveqanngippat sulisunik atukkinneqarnissamik isumaqatigiissuteqarnermi akileraarutininik A-nik unerartitsisussaqtassaavoq suliffeqarfik Kalaallit Nunaanni angerlarsimaffeqartoq aalajangersimasumilluunniit ingerlatsiveqartoq. Taamaallunilu tusarniaaneq pillugu allakkiami allassimavoq sulisussamik atukkiussinermi ilanngunneqartut inuit suliffeqarfimmit nunanit allaneersumit kalaallit suliffeqarfiutaata suliassaanik suliaqartinneqartussatut kalaallit suliffeqarfiutaannut atukkiunneqartut. Qaqugukkut sulisumik atukkiussisoqarneranik naliliinermi piumasaqaatit, OECD-p suliassaqarfiup iluani isumaqatigiissusiornermut periaasissatut aamma innersuussutai aallavigalugit nunani tamalaani atorneqartut pingaartinneqartut Naalakkersuisut tusarniaanermut allakkiami paasissutissiissutigaa. Kalaallit Nunaannut akileraarutininik A-nik akiliisarnerup pisarnissaa aalajangersakkakut qulakkeerneqassasoq Naalakkersuisut paasissutissiissutigaa. Suliffeqarfiit nunanit allaneersut Kalaallit Nunaannut akileraarutininik A-nik akiliinnginnissamut atorneqarnissaat pinaveersimatinneqassaaq. Aammalu akikitsumik akissarsiaqartitsilluni sulisitsineramik pinaveersimatitsissalluni.

Siunnersuummut nassuiaatini allassimavoq akileraruseriffik malillugu aaqqissuusermi atuutumi ajornartorsiutaasoq tassaasoq suliffeqarfik nunani allaneersooq Kalaallit Nunaanni maleruagassanik paasiniaanilu malinninngippat, tamatumaa ajornartorsiutinik nassataqarsinnaanera. Taamaattumik siunnersuutigineqarpoq Kalaallit Nunaanni suliffeqarfup sulisut attartukkat akissarsiaannik naatsorsuusiorneq, akileraarutininik A-nik unerartitsineq akiliisitsinerlu isumagissagai. Tamanna suliffeqarfiit Kalaallit Nunaanniittut allaffissornikkut suliassaasa anertoorsuunngitsumik amerlinissaannik kinguneqassasoq Naalakkersuisunit naatsorsuutigineqarpoq. Naalakkersuisut paasissutissiissutigaa pisuni amerlanerpaani suleriaatsit nunatsinni suliffeqarfinni ilisimalluarneqareersut atorneqareersullu, tassami suliassat nammineq sulisorisanut ingerlattakkat assigimmatigit.

§ 76, imm. 2-mi aalajangersagaq pillugu Naalakkersuisut oqaaseqaataat Aningaasaqarnermut Akileraartarnermullu Ataatsimiititaliamit tusaatissatut tiguneqarput. Siuliani allassimasut tunngavigalugit ataatsimiititaliaq siunnersuummut annertunerusumik oqaaseqaatissaqanngilaq.


**5. Siunnersuutip aningaasaqarnikkut kingunerisassai**

Siunnersuutip aningaasaqarnikkut allaffissornikkullu kingunerisassai pillugit siunnersuuteqartup naatsorsuutigisaanut Aningaasaqarnermut Akileraartarnermullu Ataatsimiititaliaq annertunerusumik oqaaseqaatissaqanngilaq.

**6. Ataatsimiititaliap inassuteqaatai**

Tamanna tunngavigalugu siunnersuut akuerineqassasoq **ataatsimiititaliap isumaqatigiittup** inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Jens Immanuelson,  
siulittaasoq




Randi V. Evaldsen




Peter Olsen



Bendt B. Kristiansen



Martha Lund Olsen



Ineqi Kielsen



Kelly Berthelsen